



# basic education

Department:  
Basic Education  
**REPUBLIC OF SOUTH AFRICA**

## **NATIONAL SENIOR CERTIFICATE**

**IBANGA 12**

**ISIXHOSA ULWIMI LWASEKHAYA (HL)**

**IPHEPHA LOKUQALA (P1)**

**NOVEMBA 2018**

**SIKHOKELO SOKUMAKISHA**

**AMANQAKU: 70**

**Esi sikhokelo sokumakisha sinamaphepha asi-10.**

## QAPHELA

- Esi sikhokelo sokumakisha senzelve ukuba sibe sisikhokelo kubamakishi.
- Asenzelwanga ukuba sibe ngummiselo ogqibeleleyo.
- Iimpendulo zabafundi mazithathelwe ingqalelo ngokokuchaneka kwazo.
- Iimpendulo mazihlolwe ngokupheleleyo namanqaku anikezelwe apho kufuneka anikezelwe khona ngokwezigqibo ezithatyathwe kwintlanganiso yokubeka umakisho emgangathweni.
- Isikhokelo sokumakisha siya kuxoxwa phambi kokuba kuqalwe ukumakisha.

## IMIYALELO KUBAMAKISHI

### Umakisho lwesicatshulwa sokuqonda:

- Ngenxa yokuba kugxininiswa ekufundeni ngokuqonda, akufanelekanga ukuba upelo olugwenxa neemposiso zolwimi kwiimpendulo zezivakalisi zinyityelwe amanqaku ngaphandle kokuba ezo ziphene zitshintsha intsingiselo yempendulo elindelekileyo. Iimposiso ezikhoyo maziqatshelwe ngokukrwelelwa.
- Kubaviwa abasebenzisa amagama athatyathwe kolunye ulwimi ngobunjalo bawo, olungesiso isiXhosa, musa ukuwathathela ingqalelo lawo magama anjalo, kananjalo banganyityelwa manqaku xa ngaba iimpendulo ezinikiweyo zinembadla. Ngokunjalo ukuba igama elisuka kolunye ulwimi lusetyenziwe kwitekisi kwaye impendulo ifuna elo gama, oko kwamkelekile.
- **Kwimpendulo apho ziliqela iimpendulo ezichanekileyo** akunikwa manqaku ngeempendulo ezingu-EWE/HAYI, NDIYAVUMA/ANDIVUMELANI kuphela. Anikwa kuphela ngesizathu/ukuxhasa/nokuzakuzela impendulo.
- AKUNIKWA manqaku ngeempendulo ezingu-YINYANI/BUBUXOKI, okanye YINYANI/LULUVO kuphela. Anikwa kuphela ngesizathu/ukuxhasa/ nokuzakuzela impendulo.
- Apho kulindeleke iimpendulo ezigama linye aze umviwa anike isivakalisi, nika amanqaku **ukuba ngaba** igama elifanelekileyo likrwelelwe umgca ngaphantsi okanye ligqanyisiwe.
- Kwimibuzo apho kulindeleke iimpendulo ezimbini/ezintathu, aze umviwa adwelise uluhlu lweempendulo, makisha **kuphela** ezimbini/ezintathu zokuqala.
- Iilwimi zengingqi neziyelelani zesiXhosa zamkelekile.
- Kwimibuzo ekulindeleke ukuba umviwa akhethe impendulo echanekileyo, makwamkelwe zombini, ukutsho oko unobumba ohambelana nempendulo echanekileyo KUNYE/OKANYE nempendulo echanekileyo ebhalwe ngokuzelelo.

**ICANDELO A: ISICATSHULWA A**

- 1.1 Kufuneka umntu aphakame angalindeli ukuba aqhutywe okanye aqale abetheke ukuze enze izinto.√ (1)
- 1.2 Kukugxininisa.√√/ Kukugxininisa ukuba ukuqulunqa ubomi bakho kuxhomekeke kuwe.√√/ Kukubethelela.√√/ Kukubethelela uluvo lokuba ukuqulunqa ubomi bakho kuxhomekeke kuwe.√√/ Kukuqaqambisa uluvo lokuba ukuqulunqa ubomi bakho kuxhomekeke kuwe.√√/ Kugxininisa ukuba umntu nguye buqu omakathathe uxanduva ngempumelelo yakhe.√√/ Kubonisa ukuba kubhekiswa kulo mntu ufundayo.√√/ Kukuvuselela isazela.√√  
(Nayiphi na kwezi) (2)
- 1.3 'Abantu abaphumelelayo bakwenza oko ngokungasoli mntu, nazimeko okanye imfuzo ngokwenzeka ebomini babo.'√ Abantu abaphumelelayo bakwenza oko ngokungasoli mntu/zimeko/mfuzo.'√  
(Nayiphi na kwezi) (1)
- 1.4 Yeyokuzifaka ezihlangwini zomntu.√√/ Yinjongo yokuzibandakanya.√√/ Kukuveza ukuba akubhekiswanga komnye umntu kodwa nguwe lo uza kuthatha uxanduva.√√  
(Nayiphi na kwezi) (2)
- 1.5 Abantu abaphumelelayo bachitha ixesha namandla abo kwizinto abakwazi ukuzilawula kuphela baze abangaphumeleliyo bachithele ixesha labo kwizinto abangenalo ulawulo lwazo kuze kube nzima ukuphumelela.√√ (2)
- 1.6 Kukuqala ngezinto zokuqala nokuzikhetha ngobuchule izinto emazenziwe.√ (1)
- 1.7 Eyokuba umntu uzenza ngokwakhe.√/ Sinika intsingiselo yokuba isenzo senziwa yintloko kwakuyo.√  
(Nayiphi na kwezi) (1)
- 1.8 A√/A. intsebenziswano endaweni yokhuphiswano√/ intsebenziswano endaweni yokhuphiswano.√  
(Nayiphi na kwezi) (1)

- 1.9 Kukurhweba abantu.√√ Kukurhwebela abafunda isicatshulwa kuluvo lombhali.√√/Kukuqaqambisa uluvo.√√/Kukuqaqambisa ukubaluleka kwesakho sokuphulaphula.√√/Kukubethelela ingcamango.√√/ Kukubethelela ukuba alukho ulolongo olwenzelwe ukuba abantu baqondane nzulu.√√/Usetyenziselwe ukuba ubani azikhangele ukuba undawoni ekubaqondeni abantu.√√/Kukunika ubani ithuba lokuzikisa ukucinga ngoko kuthethwayo.√√/Kukulobela iingqondo zabantu kule nto ithethwayo ukuba bayigqale.√√/Kukuqweqwedisa abantu.√√/Kukubonisa ukuba alukho ulolongo olwenzelwa ukuphulaphula.√√/Kukuzisa isazela kubantu abangazani nabanye abantu.√√/ Injongo yokwenza ukuba abanye abantu baye baqale baziqonde bengabahoyanga abanye abantu. √√
- (Nayiphi na kwezi) (2)
- 1.10 Enye indlela abayenza ngayo le nto.√√/ Okanye.√√/ Ukongeza.√√/ Kanti.√√/ Endaweni yoko.√√/ Ngapha koko.√√
- (Nayiphi na kwezi) (2)
- 1.11 Ekugqibeleni.√ (1)
- 1.12 Luluvo kuba akukho bungqina buxhasa ubunyani bayo.√√ (2)
- 1.13 Kukuzihlaziya ngokwasemzimbeni√/ ngokwasentlalweni√/ ngokwasemphefumleni√/ ngokwasengqondweni√/ nangokwasemoyeni.√
- (Nasiphi na isibini kwezi) (2)
- 1.14 Ndiyangqinelana kuba baninzi abantu abangonwabanga ngenxa yeemeko zokuphila loo nto ikhokelele ekubeni babe ngamaxhoba eziyobisi okanye benze izinto ezingabaphuhlisiyo.√√/ Ndiyangqinelana kuba abantu abaninzi basoloko bexakeke ngabo, bengafuni ukubona omnye umntu ephumelela, befuna udumo lwabo bodwa kwaye abakwazi kunceda mntu bazixakekise ngezinto abangenalo ulawulo lwazo.

### OKANYE

Andingqinelani kuba bakwabaninzi abantu abenza izenzo ezineempembelelo ezintle kubo nakwabanye abantu ukuze baneliseke bonwabe.√√

(Nayiphi na impendulo echanekileyo) (2)

- 1.15 Ewe kuba umbhali wenqaku uyaxhobisa kumhlathi ngamnye ngezithako ezinokusetyenziswa ukuze umntu aphumelele.√√

### OKANYE

Hayi kuba yintshumayelo nje ngezinto ezinokwenziwa kuphela kuba akukho mizekelo yabantu abaphumelele ngenxa yokusebenzisa ezi zithako.√√

(Nayiphi na impendulo echanekileyo) (2)

- 1.16 Abantu abakwisakhelo soku-1 babambene okanye babambisene ukunyusana ukanti abantu abakwisakhelo sesi-2 ababambisananga kuba omnye ufulathele omnye esiwa.√√/ Kwisakhelo soku-1 umntu unceda omnye ukuba afike kule ndawo akuyo naye, kanti umntu okwisakhelo sesi-2 umyekile omnye wayokubetheka phantsi akugqiba wamshiya.√√  
(Nayiphi na kwezi) (2)
- 1.17 'Imbumba yamanyama ineziphumo ezingcono.√√/ Ubambiswano ngamandla luphumeza iinjongo ebezingenakuphunyezwa ngumntu omnye.'√√/ 'Intsebenziswano nokwamkela iimbono zabanye abantu ziimfihlelo zempumelelo ebomini.'√√  
(Nayiphi na kwezi) (2)
- 1.18 Ewe isicatshulwa B siyaluxhasa olu luvo lomhlathi wesihlanu kuba sona kukhuthazwa intsebenziswano hayi ukhuphiswano.√√/ Ewe kuba isenzo sokuncedisana esikwisakhelo sokuqala siyangqinwa ngumhlathi wesi-5 ngoluvo oluthi ukudlelana kukusebenzisana.√√/ Ewe kuba isakhelo sesi-2 siyangqinelana kwanalo mhlathi wesi-5 ngomqolo othi abantu bakhe bayibone impumelelo njengokhuphiswano njengoko izenzo zesakhelo zesi-2 zibonisa.√√  
(Nayiphi na kwezi) (2)

**AMANQAKU ECANDELO A: 30**

**ICANDELO B: USHWANKATHELO****UMBUZO 2: UKUSHWANKATHELA NGAWAKHO AMAZWI**

Sebenzisa ezi ngongoma zingundoqo zilandelayo ekufuneka zibandakanywe ngabaviwa kwisishwankathelo njengesikhokelo.

Ukumakisha isishwankathelo kusekwe ekugqaleni iingongoma ezingundoqo.

Isishwankathelo masimakishwe ngolu hlobo:

Naziphi na iingongoma ezichanekileyo ezisi-7 ezibhalwe ngokomhlathi mazimakishwe. (Izivakalisi mazinamathelane)

UCAPHULO		IINGONGOMA	
1.	'Ela lizwi lincinci ligxekayo ngaphakathi engqondweni linamandla, kwaye ukuba uyalihoya lingaphanzisa ulonwabo lwakho'.	1.	Ingcingane enyembayo inempembelelo kwiindlela zakho kuba, wakuyihoya ingaphazamisana nokugcoba kwakho.
2.	'Uhlala uzibekela amangomso izinto ongazithandiyo ukuzenza? ... uya kusoloko uneemvakalelo zokukhathazeka ezenza ungeva kamnandi'.	2.	Ukusoloko uzibekela ukuzenza ngelinye ixesha izinto ongazithandiyo uzidalela iimvakalelo zoxunguphalo nokungonwabi.
3.	'Yingxaki enkulu ukuba uhlala unika abantu ixesha namandla akho uze ufumanise ukuba akukho nto ikonwabisayo koko ukwenzayo'.	3.	Akufunekanga uphe abantu ithuba namandla akho uze ungalufumani uvuyo kokwenzayo.
4.	'Ukuxabisa ubunewu-newu ngaphezulu kobubele novelwano kwabanye abantu kukhokelela ekubeni ungonwabi ngeendlela ezininzi'.	4.	Ukuxabisa imali ukwedlula okubalulekileyo kungaludodobalisa ulonwabo lomntu.
	'Ukungayivezi imbilini yakho kungakuphosanisa nolonwabo. Umkhwa wokungavelisi uvakalelo lwakho, utyumza amathuba akho okonwaba ube nomvandedwa'.	5.	Ukungaphalazi ukungaxoli kwakho kungaluthibaza ulonwabo lwakho.
6.	'Ukusoloko ukhalaza kunegalelo lokunika amandla kwicala elingakhiyo kulonwabo lwakho'.	6.	Ukungaboni nokuhle okwenzekayo kuyalucutha ulonwabo lwakho.
7.	'Ukuzama ukulawula konke kubomi bethu, ingakumbi xa ubomi busongamele yingxaki yoninzi lwethu. Lo mzamo uphela uyilibazisa aze aphanze amacebo okonwatyiswa yimpumelelo ...'	7.	Ukufuna ukulawula konke kunokukhokelela kwisiphelo sokungonwabi.

**UKUBHALWA NGOKOMHLATHI**

**QAPHELA:** Oku kulandelayo ngumzekelo nje kuphela. Akungommiselo kwaye makusetyenziswe ngobuchule.

**UMHLATHI**

Ingcingane enyembayo inempembelelo kwiindlela zakho kuba, wakuyihoya ingaphazamisana nokugcoba kwakho. Nokusoloko ukubekela ukuzenza ngelinye ixesha izinto ongazithandiyo uzidalela iimvakalelo zoxunguphalo nokungonwabi. Kananjalo ukunikisa ngexesha namandla akho uze ungalufumani uvuyo kokwenzayo. Kwakhona ukuxabisa imali ukwedlula ububele nokubacingela abanye abantu kuyaludodobalisa ulonwabo lomntu. Ukungaphalazi uvakalelo lwakho ingakumbi kungaxoli kwakho kungaluthibaza ulonwabo lwakho. Ukungaboni nokuhle okwenzekayo uhlale ukhalaza kuyalucutha ulonwabo lwakho. Okokugqibela, ukufuna ukulawula konke kunokukhokelela kwisiphelo solonwabo.

(65 amagama)

**Ukumakisha isishwankathelo:**

Ukumakisha isishwankathelo kusekwe ekugqaleni iingongoma ezingundoqo

Isishwankathelo masimakishwe ngolu hlobo:

- **Ulwabiwo- manqaku**
  - Amanqaku asi-7 ngeengongoma ezisi-7. (inqaku ngengongoma nganye)
  - Amanqaku ama-3 olwimi.
  - Amanqaku ewonke: 10
- **Ulwabiwo lwamanqaku olwimi xa abalingwa besebenzise amazwi abo:**
  - 1–3 amanqaku achanekileyo: Nika inqaku eli-1 lolwimi.
  - 4–5 amanqaku achanekileyo: Nika amanqaku ama-2 olwimi.
  - 6–7 amanqaku achanekileyo: Nika amanqaku ama-3 olwimi.
- **Ulwabiwo lwamanqaku olwimi xa abalingwa becaphule.**
  - 6–7 amanqaku acatshulweyo: akunikezelwa manqaku olwimi.
  - 1–5 amanqaku acatshulweyo: nikezela inqaku libe li-1 lolwimi.

**QAPHELA:**

- **Ubalo-magama**
  - Abakorekishi kulindeleke ukuba baliqinisekise inani lamagama asetyenzisiweyo.
  - Musa ukuthabatha amanqaku ukuba umlingwa akalibonakalisanga inani lamagama asetyenzisiweyo okanye ukuba inani lamagama libonakaliswe ngokungachanekanga.
  - Ukuba udlule kwini eliqingqiweyo, funda ukuya kumagama ama-5 ngaphezulu kwaqingqiweyo ungawahoyi alandelayo.

**AMANQAKU ECANDELO B:****10**

**ICANDELO C: IZAKHI NEMIGAQO YOKUSETYENZISWA KOLWIMI****Ukumakisha iCandelo C****Umakisho lweCANDELO C:**

- Upelo
  - Iimpendulo ezinegama elinye mazimakishwe nokuba upelo lugwenxa, ngaphandle kokuba isiphene sitshintsha intsingiselo yegama.
  - Kwiimpendulo ezizizivakalisi eziphelelyo upelo olugwenxa malunyityelwe amanqaku ukuba impazamo ikwimigaqo yolwimi oluhlolwayo.
  - Xa kuhlolwa izifinyezi impendulo mayibonakalise ukusetyenziswa kweziphumlisi ngokuchanekileyo.
- Ulwakhiwo kwizivakalisi malubhalwe ngemigaqo yegrama echanekileyo nangezivakalisi ezipheleleyo/ngokomyalelo.
- Kwimibuzo ekulindeleke ukuba umviwa akhethe impendulo echanekileyo, unobumba ohambelana nempendulo echanekileyo KUNYE/OKANYE nempendulo echanekileyo ebhalwe ngokupheleleyo, iyamkeleka.

**UMBUSO 3: ISIBHENGESO NTENGISO**

- 3.1 Ngoku.√ (1)
- 3.2 Kukubuyisela abasebenzisi bakwaMTN abebesele bemshiyile.√/ Kukwenza abasebenzisi bakaMTN ababengasayisebenzisi bayisebenzise isim khadi yabo.√/ Ukunyusa izinga lokuthengwa kwe-airtime yakwa-MTM√/ Ukurhwebela abantu kwinkampani yakwaMTN.√  
(Nayiphi na kwezi) (1)
- 3.3 B/B. Eyokuba sele eyiyekile ukuyisebenzisa.√/ Eyokuba sele eyiyekile ukuyisebenzisa.√  
(Nayiphi na kwezi) (1)
- 3.4 Kukuxela ukuba imveliso ethengiswayo yeyakwaMTN.√/ Kukuxela ukuba le *airtime* ingumdliva yeyakwaMTN.√/ Ukwahlula le mveliso kwezinye iimveliso.√  
(Nayiphi na kwezi) (1)
- 3.5 'Faka nje ...'√ (1)
- 3.6 'Everywhere you go.'√ (1)
- 3.7 Yeyokuba kuyonwabisa ukusebenzisa le mveliso.√√/ Kukubonakalisa uvuyo lokusebenzisa le mveliso.√√  
(Nayiphi na impendulo echanekileyo) (2)



3.8 Ewe, kuba kumfanekiso kukho abantu abatsha nabadala ababonakalisa ukuyonwabela le mveliso.√√/ Ewe umntu angazithengela eyakhe isim khadi.√√

Hayi, kuba abantu abasebenzisa ezinye iinethiwekhi ayibabandakanyi intengiso.√√/ Hayi yenzelwe abantu abasebenzisa uMTN.√√

(Nayiphi na impendulo echanekileyo iya kwamkeleka.)

(2)  
[10]

#### UMBUZO 4: IKHATHUNI

4.1 Yeyokuba umntu ngamnye uza kuthatha inxaxheba kule ncoko.√√/ Yeyokuba ufuna ukuba nencoko nomama wakhe.√√/ Yingcinga yokuba baza kuthetha bobabini.√√

(Nayiphi na kwezi)

(2)

4.2 C.Ndiphulaphule√/C.√/Ndiphulaphule.√

(Nayiphi na kwezi)

(1)

4.3 Abonakalisa ukuba uVuyo akagqibanga ukuthetha.√/ Intetho ayiphelelanga.√/ intetho inqanyulwe phakathi.√/ Uphazanyiswe esathetha.√/ Intetho isaqhuba.√

(Nayiphi na kwezi)

(1)

4.4 Umzobo obonisa isandi udlula neentloko zabo ngokuphakama.√/ Amaqamza esandi.√/ Iimpawu zomculo zinyukile ukusuka kwifoni.√/ Uphawu lwengxolo oluboniswa entla kwefoni olungathi ngumsi.√

(Nayiphi na kwezi)

(1)

4.5 U 'TAP' ugwele yonke indawo.√/ Isandi sokucofa sigubungele indlu yonke.√

(Nayiphi na kwezi)

(1)

4.6 Amehlo akhe athe gqa.√/ Izandla zakhe zivulekile.√/ Umlomo wakhe uvulekile.√/ Umama upheca izandla.√

(Nasiphi na isibini)

(2)

4.7 Umama makathethathethane noVuyo ngendlela yokusebenzisa ifoni.√√/ Umama makavumelane noVuyo ngamaxsha okusebenzisa ifoni.√√

(Nayiphi na impendulo echanekileyo.)

(2)  
[10]

**UMBUZO 5: IPROZI**

- 5.1 Limvumela.✓/ Limthuma.✓/ Limvula.✓/ Limphembelela.✓/ Limntyontyela.✓/  
Limqhuba✓/ Limyeka.✓/ Limthundeza.✓  
(Nayiphi na kwezi) (1)
- 5.2 Kukukhokela isibizo.✓/ Kukwandulela isibizo.✓/ Kukuma phambi kwesibizo.✓/  
Kukuquka.✓  
(Nayiphi na kwezi) (1)
- 5.3 Isazela siyafana/ sifana nondlebende ongenasali.✓ (1)
- 5.4 Sisebenze njengenjongosenzi yesivakalisi.✓ Sisebenze njengomenziwa.✓/  
Siyinjongosenzi.✓  
(Nayiphi na kwezi) (1)
- 5.5 Ungamva umntu esithi,✓/ exelela abantu✓/ ukuba isazela sakhe✓/asim✓vumeli  
ukuba ayenze✓ into enjalo✓/ enje ngaleyo.✓/ (Nokususa iimpawu zocaphulo.)✓  
(Nasiphi isibini kwezi) (2)
- 5.6 Sichaza ubunini.✓/ Sichaza ukuba isazela sesikabani.✓/ Sibonisa ukuba  
sesikabani isichazwa.✓/ Siyabanga.✓  
(Nayiphi na kwezi) (1)
- 5.7 Xa kukho ingxaki.✓/ Akuba sengxakini.✓/ Xa kukubi.✓/ Xa kunzima.✓/ Xa izinto  
zingakuhambeli kakuhle.✓/ Kwakuba kubi.✓  
(Nayiphi na kwezi) (1)
- 5.8 Siphuhlisa ukuba isenzo senziwa ngomnye umntu.✓✓/ Intloko yesivakalisi yiyo  
ekwenziwa kuyo isenzo.✓✓/ Siphuhlisa isixando sokwenziwa.✓✓  
(Nayiphi na kwezi) (2)

**[10]**

**AMANQAKU ECANDELO C: 30**  
**AMANQAKU EWONKE: 70**